

Ilisimatusarfiup Tusagassiornermut Immikkoortortaa ph.d.-nngorniutigaluni adjunktut sulisussamik pissarsiorpoq

Tusagassiornermut Immikkoortortaaq Ilisimatusarfimmi Inuiaqatigiilerinermik, Aningaasaqarnermik Tusagassiornermillu Ilisimatusarfiup ataaniittoq kalaallit tusagassiuutaat aamma illoqarfinni avinngarusimasunilu inoqarfinni assigiinngitsuni innuttaasut tusagassiuutinik qanoq atuisarnerat qanorlu tusagassiuutit misigisaqarfigisarneraat - taakkuninngalu qanoq atuisinnaatigisinnaanerit - qitiutillugit ph.d.-nngorniutigalugu saniatigut adjunktut sulisussamik pissarsiorpoq.

Atorfiup aggustip 1-ani 2025 imaluunniit isumaqatigiissuteqarnikkut inuttalerneqarnissaa kissaatigineqarpoq.

Tusagassiornermut Immikkoortortaaq Nuummi Ilisimatusarfimmi Inuiaqatigiilerinermik, Aningaasaqarnermik Tusagassiornermillu Ilisimatusarfiup ataani inissisimavoq.

Immikkoortortaaq tusagassiornermi bacheloritut ilinniakkamik neqerooruteqarpoq, ilinniagarlu taanna ukiunik 3½-nik sivisussuseqarpoq.

Immikkoortortaaq suliat tungaatigut pissanganartumik ineriartuleruttorpoq, immikkoortortamilu suliat aamma ilinniakkap ineriartornerannut sunnuteqataanissannut periarfissagissaasaatit.

Atorfik pillugu

Atorfik ataqatigiissagaavoq ukiunik 6-nik piffissaleriigaq, ph.d.-nngorniarnarullu saniatigut ilinniartitsisarnissamut pisussaaffeqarnek atorfinnissamut ilaavoq. Ph.d.-nngorniutigaluni adjunktut atorfinnissamut qinnuteqarnissamut piumasaqaataavoq qinnuteqartup tusagassiornermut ilinniarsimasuunissaa inuiaqatigiilerinermillu ilisimatusarnermi kandidatiut ilinniarsimasuunissaa, aammattaaq ph.d.-nngorniarnissaminut piumasaqaatit eqquutsinneqassapput.

Ilinniartitsissutini tusagassiornermut tunngasuni ilinniartitsineq ingerlanneqassaaq, kisianni Ilisimatusarfimmi ilinniakkani allani ilinniartitsisarneq aamma pisinnaasassaaq. Tusagassiornermi aamma inuiaqatigiilerinermi ilisimatusarnermi ilinniartitsissutini atorfinittup suliaqarnissaa naatsorsuutigineqarpoq. Sammisani Kalaallit Nunannut Issittumut aamma nunatsinni inuiaqatigiilerinermi ilisimatusarnermi ilinniakkamut tunngassuteqartuni ilisimatusarnissaq naatsorsuutigineqarpoq.

Ilisimatusarnermik ilinniartitsinermillu misilittagaqarneq uppernarsarsinnaagukku iluaqutaassaaq. Aammattaaq kalaallisut, tuluttut qallunaatullu oqaatsinik qaffasissumik piginnaasaqarnissaq pingaartinneqarpoq.

Ph.d.-tut ilinniagaqarnermut ukua ilaapput:

- Siunnersorneqarnikkut namminersorluni ilisimatusaatit suliniuteqarneq aamma ph.d.-nngorniut tunngavigalugu ilisimatusaatigalugu allaaserinninneq
- 30 ECTS-inik nalilinni fagini peqataaneq kiisalu 10 ECTS-inik nalilimmi adjunktut pædagogikumimik ingerlatsineq
- Ilinniartitsineq aamma ilisimasani paasissutissiornerit allat
- Ilisimatusarfiup ilisimatusartuisa avatangiisaanni peqataaneq
- Nunatsinni nunallu tamalaat ataatsimeersuarneranni peqataaneq
- Nunat allat ilisimatusarfeqarfianni tikeraarneq

Qinnuteqaat

Ph.d.-nngorniutigalugu adjunktut atorfinnissamut qinnuteqaat, qinnuteqaatit allakkap saniatigut, ukuninnga ilaqassaaq:

Ilanngussaq 1: Curriculum Vitae.

Ilanngussaq 2: Soraarummeersimanernut uppersaatait.

Ilanngussaq 3: Ph.d.-nngorniutitut suliniutissap nassuiaataa Inuiaqatigiilerinermik, Aningaasaqarnermik Tusagassiornermillu Ilisimatusarfimmi/Kulturimik, Oqaatsinik Oqaluttuarisaanermillu Ilisimatusarfimmi ph.d.-nngornianut ataatsimiititaliat ilaannit akuerineqarnikoq.

Qinnuteqarfissaq kingulleq tassaavoq junip 23-ni 2025, nal. 12.00, qinnuteqaallu uunga nassiunneqarsinnaavoq personale@uni.gl

Adjunktut sulineq ph.d.-mik ilalik: Atorfik adjunktut atorfiusinnaavoq ukiut 6-it tikillugit, atorfininnermi ph.d.-mik sammisaqarnissamik isumaqatigiissusiortoqarsimappat. Adjunktut atorfinitsitsineq ph.d.-mik ilalik pisinnaavoq ph.d.-mik ilinnialerniarluni nalunaarnermi malittarisassat atuuttut malinneqarsimappata.

Atorfimmut uunga atorfinitsitseriaaseq

Atorfinitsitsinnermut atatillugu ataatsimiititaliat qinnuteqaatit tiguneqartut tamaasa suliarissavaat.

Attavigisassat/ paasisutissat:

Atorfik pillugu sukumiinerusunik paasisaqarusukkuit, tikilluaqquneqarputit Institutimi pisortaq Annemette Nyborg Lauritsen, oqarasuaat: +299 34 73 60 attavigisallugu.

Ph.d.-nngorniarnissamut Ilisimatusarfiup najoqqutassiai pillugit paasisutissat amerlanerusut www.uni.gl-imi atuarneqarsinnaapput, soorluttaaq Ilisimatusarfimmi atorfiup aaqqissugaanera tassani atuarnerusinnaasoq.

Ilisimatusarfik pillugu

Ilisimatusarfik 1987-imi pilersinneqarpoq. Maannakuugallartoq ilinniarneqarsinnaasut assigiinngitsut 13-upput, taamatuttaaq Ilisimatusarfiup neqeroorutigai diplom-imut masterimullu saniatigut ilinniarnert. Ilisimatusarfik issittumi universitetiuvooq nunarsuup ilaani pilertortumik ineriartorfiusumi nutaanik ilisimasaqalerfiusoq nutaaliorfiusorlu. Siulersuisut tassaapput Ilisimatusarfiup qullersai. Ulluinnarni aqutsineq rektorimit direktørimillu ingerlanneqarpoq. Instituttit sisamaasut Instituttini Siunnersuisoqatigiinnit siunnersorneqartumik siulersorneqarput.

Ilisimatusarfik sisamanik instituteqarpoq:

- *Ilinniartitsinermik Ilisimatusarfik*
- *Inuiaqatigiilerinermik, Aningaasaqarnermik Tusagassiornermillu Ilisimatusarfik*
- *Kulturimik, Oqaatsinik Oqaluttuarisaanermillu Ilisimatusarfik*
- *Peqqissaanermik Pinngortitamillu Ilisimatusarfik*

Allaffissornikkut aqutsisoqatigiiffik pillugu

Allaffissornikkut aqutsisoqatigiiffiup ilisimatusarfik tamakkerlugu sullitaraa. Ilisimatusarfiup direktørianit aqunneqarpoq. Allaffissornikkut aqutsisoqatigiiffik Ilinniarfissuarmi Ilimmarfimmilu immikkoortortaqqarpoq. Immikkoortortat faginik ingerlatsiviusunik qanimut suleqateqartarput soorlu namminneq akunnerminni aamma

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Najugaq

Atorfimmut atatillugu sulisunut inissamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tiggummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.